

[点校本]

中國醫學大成
終集

通治

[七]



中国医学大成终集



〔点校本〕

通治
[七]





全国古籍整理出版规划领导小组资助出版

书名题签 钱君匋

图书在版编目(C I P)数据

中国医学大成终集 (点校本) 7 / 曹炳章编.

—上海: 上海科学技术出版社, 2013.6

ISBN 978-7-5478-1650-9

I. ①中… II. ①曹… III. ①中国医药学—古籍—汇编 IV. ①R2—52

中国版本图书馆 CIP 数据核字 (2013) 第 031026 号

上海世纪出版股份有限公司

上海科学技术出版社 出版、发行

(上海钦州南路 71 号 邮政编码 200235)

浙江新华印刷技术有限公司印刷

开本 889×1194 1/32 印张 12.75 插页 4

字数 310 千

2013 年 6 月第 1 版 2013 年 6 月第 1 次印刷

ISBN 978-7-5478-1650-9/R·529

定价: 130.00 元

本书如有缺页、错装或损坏等严重质量问题,
请向印刷厂联系调换



奇经八脉考

明·李时珍 撰辑

濒湖脉诀

明·李时珍 撰辑

内外伤辨惑论

金·李杲 著

脾胃论

金·李杲 著

寓意草

清·喻昌 著

原编 曹炳章



序

《中国医学大成终集》经十余年的艰辛努力，付梓面世了。至此，由近代中医学大家曹炳章先生主编，通过博采精选，贯穿先秦至晚清的 365 种各类中医要籍，经 20 世纪 30 年代原著及 1990 年重刊订正的 136 种，2000 年的续集 118 种，2013 年的终集 82 种（已佚 20 余种），历时凡 80 余年，最终汇集成现今 126 册（含总目提要一册）的《中国医学大成》。曹炳章先生未竟之业得以如愿。

鸦片战争之后，列国入侵，殖民中国。随西学东渐的同时，肆意践踏中国文化，中医学也岌岌可危。一批中医界有识之士、前辈奋起抗争，终使中医得以有立足之地。曹先生远见卓识，深谙中医生存重在学术的继承与延续，而几千年中医学的学术积累尽在历代文献著作之中。是故曹先生着意于纂集中医精华要籍，欣然受命上海大东书局（上海科学技术出版社前身之一）之聘，主编《中国医学大成》。曹先生博览群书，学识渊博，临床大家，且好藏书，所藏中医珍本、孤本颇多。难能可贵者，他视历代文献为中华民族之文化遗产，理应供奉共享。在编过程中，他倾其藏书而不秘，不作一己之私，不作谋利之资，悉数奉献，其民族精神，大义之举，令人欣戴。同时，他又约集名医同仁，搜求先秦迨清的海内珍本、孤本，阅书上万，叹为观止。爬罗剔抉，批阅圈点，补阙正谬，一丝不苟，治学之严谨，令人折服。观其哀集所列厘定精选的 13 类 365 种书目，有曰，阅全书则遍览历代医论，读一类则尽知各家学说。中医精论，临床精华，尽在其中，已成为近现代中医学界一致公认的重要参考书目。

替代。

四、为了方便读者阅读,《中国医学大成终集》采用新式标点、简体、横排版式,书中异体字均改为通行规范字,不予出注。

五、点校时为保持原书之风貌,有明显错讹、脱漏者,以脚注形式出注。尤其是古书目录与正文常不一致,也不加统一,仅出注说明。原书为繁体竖排,此次为简体横排,原书方剂中以“左”、“右”表示前后药,也未加改正。

六、每书之后附“后记”一篇,简要介绍该书的作者生平、简历、学术观点,及是书的版本情况、成书年代,所选的底本、参校本等。脚注中内容依据于参校本,有特别参考书则出具书名。

七、《中国医学大成终集》第32册为《中国医学大成总目提要》,《中国医学大成》所收书目中已佚未刊行者,可从中觅取相关信息,有志者可进一步探寻,拾遗补缺。

上海科学技术出版社

2013年3月

奇经八脉考

〔明〕李时珍撰辑

重刻脉学奇经八脉序

余奉中丞夏公教既刻《本草纲目》矣。临川令袁君与李君时珍，乡人也，复取其《脉学》与《奇经八脉考》，示余曰：李君平生学力尽在此，幸并刻之为全书。余念古良医治疾，未有不先诊脉者，自轩岐已然。辨人鬼，别男女，特其粗尔。微茫呼吸之间，而生死轻重系焉。如济北才人颜色不变，而在死法中，其脉病也。故曰无数者同之，有数者异之。苟不明乎脉之法，则所同者多矣。脉学者，专辨《脉诀》之误也。今之医者，无不诵《脉诀》，而李君谓非叔和著，特条列而正之，然非李君之言也。宋陈无择尝斥为高阳生作矣，亦非无择之言也。朱晦翁尝讥其鄙浅伪书矣。《脉诀》行而《脉经》隐，《脉诀》之误既明，《脉经》其可复兴乎。奇经八脉者，其名出于《难经》，而其论原于《素问》，以非十二经之正，故谓之奇经也。昔淳于意拜受公乘阳庆脉书奇咳术，即此。世之医者，且不能举其数，况通其义乎。叔和曰：瓦雨降下，沟渠溢满，圣人不能图也。脉络流溢，诸经不能复拘也。然则八脉可以不讲乎。八脉明，而脉理尽矣。脉理尽，而病无不察，可以穷吾治之之方矣。语云：人之所病，病疾多。而医之所病，病道少。通乎脉学，又通乎八脉之学，道其患少也乎哉。因并刻附于本草之后。

癸卯秋七月上浣长洲张鼎思书

奇
经
八
脉
考
引

《奇经八脉考》者，李君濒湖所撰辑以活人者也。经有正有奇，独考奇者。奇经，人所略，故致详焉。并病原治法靡不条具，若指诸掌，岂惟医学有赖，玄修之士，亦因以见身中造化真机矣。用心之勤如此，何其仁哉。濒湖世儒，兼以医鸣，一门父子兄弟，富有著述，此特见一斑耳。问不佞，尝推其直谅多闻之益。因僭识简端，以告后之君子。

明万历丁丑小暑日同里日岩顾问顿首书

題
奇
經
八
脈
考

奇經八脈，聞之舊矣，而不解其奧。今讀瀕湖李君《八脈考》，原委精詳，經絡貫徹，頓覺蒙開塞決，胸次豁然，誠仙醫二家入室指南也。然匪易牙亦未易味之。李君博極群書，參討今古，九流百氏，咸有撰述，此特其一爾。因僭述其概而題之。

隆慶壬申中秋日道南吳哲拜題



④ 奇经八脉总说

凡人一身，有经脉、络脉，直行曰经，旁支曰络。经凡十二：手之三阴三阳，足之三阴三阳是也。络凡十五：乃十二经各有一别络，而脾又有一大络，并任、督二络为十五也。《难经》作阴络、阳络。共二十七气，相随上下，如泉之流，如日月之行，不得休息。故阴脉营于五脏，阳脉营于六腑，阴阳相贯，如环无端，莫知其纪，终而复始。其流溢之气入于奇经，转相灌溉，内温脏腑，外濡腠理。奇经凡八脉，不拘制于十二正经，无表里配合，故谓之奇。盖正经犹夫沟渠，奇经犹夫湖泽，正经之脉隆盛，则溢于奇经。故秦越人比之天雨降下，沟渠溢满，霖霖妄行，流于湖泽，此发《灵》《素》未发之秘旨也。八脉散在群书者，略而不悉。医不知此，罔探病机；仙不知此，难安炉鼎。时珍不敏，参考诸说，萃集于左，以备学仙医者筌蹄之用云。

⑧ 八脉

奇经八脉者，阴维也，阳维也，阴跷也，阳跷也，冲也，任也，督也，带也。阳维起于诸阳之会，由外踝而上行于卫分；阴维起于诸阴之交，由内踝而上行于营分，所以为一身之纲维也。阳跷起于跟中，循外踝上行于身之左右；阴跷起于跟中，循内踝上行于身之左右，所以使机关之跷捷也。督脉起于会阴，循背而行于身之后，为阳脉之总督，故曰阳脉之海；任脉起于会阴，循腹而行于身之前，为阴脉之承任，故曰阴脉之海；冲脉起于会阴，夹脐而行，直冲于上，为诸脉之冲要，故曰十二经脉之海；带脉则横围于腰，状如束带，所以总约诸脉者也。是故阳维主一身之表，阴维主一身之里，以乾坤言也。阳跷主一身左右之阳，阴跷主一身左右之阴，以东西言也。督主身后之阳，任、冲主身前之阴，以南北言也。带脉横束诸脉，以六合言也。是故医而知乎八脉，则十二经、十五络之大旨得矣。仙而知乎八脉，则虎龙升降玄牝幽微之窍妙得矣。



阴维脉

阴维起于诸阴之交，其脉发于足少阴筑宾穴，为阴维之郄，在内踝上五寸腓肉分中。上循股内廉，上行入小腹，会足太阴、厥阴、少阴、阳明于府舍。在腹哀下三寸，去腹中行四寸半。上会足太阴于大横、腹哀。大横在腹哀下一寸五分，腹哀在日月下一寸五分，并去腹中行四寸半循胁肋会足厥阴于期门。直乳下一寸半。上胸膈挟咽，与任脉会于天突、廉泉，上至顶前而终。天突在结喉下四寸半宛宛中，廉泉在结喉下二寸中央是穴凡一十四穴。



阳维脉

阳维起于诸阳之会，其脉发于足太阳金门穴，在足外踝下一寸五分。上外踝七寸，会足少阳于阳交，为阳维之郛。在外踝上七寸，斜属二阳之间。循膝外廉，上髀厌，抵少腹侧，会足少阳于居髎。在章门下八寸，监骨上陷中。循胁肋斜上肘上，会手阳明、手足太阳于臂臑。在肘上七寸，两筋罅陷中，肩髃下一寸。过肩前，与手少阳会于臑会、天髎。臑会在肩前廉，去肩端三寸宛宛中。天髎在缺盆中，上髃骨际，陷中央。却会手足少阳、足阳明于肩井。在肩上陷中，缺盆上大骨前一寸五分。入肩后，会手太阳、阳蹻于臑俞。在肩后大骨下胛上廉陷中。上循耳后，会手足少阳于风池。在耳后发际陷中。上脑空、承灵后一寸半，夹玉枕骨下陷中。承灵、正营后一寸半。正营、目窗后一寸。目窗、临泣后一寸。临泣。在瞳人直上，入发际五分陷中。下额与手足少阳、阳明五脉会于阳白。眉上一寸，直瞳人相对。循头入耳，上至本神而止，本神直耳上入发际中。凡三十二穴。



② 二维为病

越人曰：阳维、阴维者，维络于身，溢蓄不能环流灌溉诸经者也。故阳维起于诸阳之会，阴维起于诸阴之交。阳维维于阳，阴维维于阴，阴阳不能自相维，则怅然失志，溶溶不能自收持。又曰：阳维为病苦寒热，阴维为病苦心痛。溶溶，缓慢貌。

张洁古曰：卫为阳，主表，阳维受邪为病在表，故苦寒热；营为阴，主里，阴维受邪为病在里，故苦心痛。阴阳相维，则营卫和谐矣；营卫不谐，则怅然失志，不能自收持矣。何以知之？仲景云：病常自汗，是卫气不与营气和也，宜桂枝汤和之。又云：服桂枝反烦不解，先刺风池、风府，却与桂枝汤。此二穴，乃阳维之会也。谓桂枝后，尚自汗发热恶寒，其脉寸浮尺弱而反烦，为病在阳维，故先针此二穴。仲景又云：藏无他病时，发热自汗出而不愈，此卫气不和也，桂枝汤主之。

又曰：阴维为病，苦心痛，治在三阴之交。太阴证，则理中汤；少阴证，则四逆汤；厥阴证，则当归四逆汤、吴茱萸汤主之。

李濒湖曰：阳维之脉，与手足三阳相维，而足太阳、少阳，则始终相联附者。寒热之证，惟二经有之，故阳维为病，亦苦寒热。盖卫气昼行于阳，夜行于阴，阴虚则内热，阳虚则外寒，邪气在经，内与阴争而恶寒，外与阳争而发热。则寒热之在表而兼太阳证者，有汗当用桂枝，无汗当用麻黄；寒热之在半表半里而兼少阳证者，当用小柴胡加减治之。若夫营卫慊卑而病寒热者，黄芪建中及八物汤之类主之。洁古独以桂枝一证属之阳维，似未扩充。至于阴维为病，主心痛，洁古独以三阴温里之药治之，则寒中三阴者宜矣，而三阴热厥作痛，似未备矣。盖阴维之脉，虽交三阴而行，实与任脉同归，故心痛多属少阴、厥阴、任脉之气上冲而然。暴痛无热，久

痛无寒，按之少止者为虚，不可接近者为实。凡寒痛，兼少阴及任脉者，四逆汤；兼厥阴者，当归四逆汤；兼太阴者，理中汤主之。凡热痛，兼少阴及任脉者，金铃散、延胡索散；兼厥阴者，失笑散；兼太阴者，承气汤主之。若营血内伤，兼夫任、冲、手厥阴者，则宜四物汤、养营汤、妙香散之类。因病药之，如此则阴阳虚实，庶乎其不瘥矣。

王叔和《脉经》曰：寸口脉，从少阴斜至太阳，是阳维脉也。动苦肌肉痹痒，皮肤痛，下部不仁，汗出而寒；又苦颠仆羊鸣，手足相引，甚者失音不能言，宜取客主人。在耳前起骨上廉，开口有空，乃手足少阳、阳明之会。

又曰：寸口脉，从少阳斜至厥阴，是阴维脉也。动苦癎病僵仆羊鸣，又苦僵仆失音，肌肉痹痒，应时自发汗出，恶风身洗然也。取阳白、金门、见前。仆参。见阳蹻。

濒湖曰：王叔和以癎病属阴维、阳维，《灵枢》经以癎病属阴蹻、阳蹻，二说义异旨同。盖阳维由外踝而上，循阳分而至肩肘，历耳额而终行于卫分诸阳之会；阴维由内踝而上，循阴分而上胁至咽，行于营分诸阴之交。阳蹻起于跟中，循外踝上行于股外，至胁肋肩膊，行于一身之左右，而终于目内眦；阴蹻起于跟中，循内踝上行于股内、阴器，行于一身之左右，至咽喉，会任脉，而终于目内眦。邪在阴维、阴蹻则发癎邪；邪在阳维、阳蹻则发病。病动而属阳，阳脉主之；癎静而属阴，阴脉主之；大抵二疾当取之四脉之穴，分其阴阳而已。

王叔和曰：诊得阳维脉浮者，暂起目眩，阳盛实者，苦肩息洒洒如寒。

诊得阴维脉沉大而实者，苦胸中痛，胁下支满，心痛。其脉如贯珠者，男子两胁下实，腰中痛；女子阴中痛，如有疮状。

《素问·腰痛论》曰：阳维之脉，令人腰痛，痛上拂然肿。刺阳维之脉与太阳合腠间，去地一尺。

王启玄曰：阳维起于阳，则太阳之所生，并行而上至膻，下复与



太阳合而上也。去地一尺，乃承山穴也。在锐腓肠下分肉间陷中，可刺七分。

肉里之脉，令人腰痛，不可以咳，咳则筋缩急。刺肉里之脉为二痛，在太阳之外，少阳绝骨之后。

王启玄曰：肉里之脉，少阳所生，阳维脉气所发，绝骨之后，阳维所过分肉穴也。在足外踝直上绝骨之端，如后二分筋肉分间，刺可五分。

飞阳之脉，令人腰痛，痛拂拂然，甚则悲以恐。启玄曰：此阴维之脉也，去内踝上五寸腓分中，并少阴经而上也，刺飞阳之脉，在内踝上一寸，少阴之前，与阴维之会，筑宾穴也。《甲乙经》云：太阳之络，别走少阴者，名曰飞阳。